

Platt partu:

Platt partu – Rundbreef 10-2018

Hebbn ji mi Swien woll sehn, dat olle Ors ,
he hett en Krullersteert un en Fleck an d' Mors ...

Moinmoin, leve plattdütsche Maten un Frünnen!

Hüüt mal keen Schüddelriemel to'n Ingang, sünnern en Fahndungsoproop. Uns Maat Thomas Seemann söcht ganz nödig dat kumplette Gedicht, vun dat baven de Anfang steiht. Kennt een vun Se dat? Weet een, woans dat wiedergeiht? Denn mailt Se bitte fix an thomas.seemann3@ewe.net! Tied is hier en Faktor, he brukt dat för en Termin. Hochtiedszeitung! ;-) Dank in'n Vörut an all!

In'n Septembermaand hebbt wi mit poor schöne Daag vun de Sommer Afscheed nahmen; as Bottervagel vun'n Maand flüggt dütmaal de Admiraal, un dat Natuurnotizbook is nocheens randvull. Wi seht dor mit grote Freud ok uns Matin Anke Nissen wedder schrieven, de en längere Paus maakt hett. Togliek begrööt Addi Kahl de schönsten Sieden vun'n Harvst, un Henning Eggers stimmt em mit sien Grogleed to. Ok uns Choralsommer geiht nu toenn; wi hebbt alltohoop wedder veer niege Chorääl tohoopkregen, in düssen Septembermaand noch twee, vun de de letzte, "Sünn vun de Gerechtigkeit", uns kathoolsche Geswister toegent is, de opstunns in grote Noot nach Gerechtigkeit in ehr Kark söökt.

In de Welt is ok wedder en ganzen Barg los. Wolfhard Sauerbrey nimmt dat, wat in Chemnitz passeert is, to'n Anlaat för en wedderhaalt Statement gegen Rassismus. Heinz Tiekötter hett de Geldsniederie vun de privaten Krankenkassen op'n Kieker. Jutta Lammèr fraagt sik, woans se dat niege "drütte Geslecht" ansnacken schall. In mien Notizbook krieght all wat af: vun den Binnenminister bit na de Plastikflood. Un denn is dor de anner Aktualität, gegen de ok de Politik lütt utsüht: De Solarsonde "Parker Solar Probe" is na de Sünn start, utrüest mit Instrumenten, de bi poordusend Graad arbeiten köönt -- to'n Wunnerwarken!

Uns Reeg mit Radioandachten is mit fief Bidrääg mit Spraakopnahmen heel flietig düssen Maand; Günter Weber vertellt Kuriooses vun Minsch un Deert; un ok op uns Süstersied Numanto.de sünd wedder twee niege Gedichten rutkamen, vun de een uns en niege Maat tostüürt hett: Wi begrööt hartlich Klaus-Dieter Tüxen!

Wi wünscht Se en wunnerschönen Harvst!

Nu de Linklist. Op de enkelten Links mööt Se bloots klicken, dat Se henkaamt. Wenn Se den Rundbreef över Plattnet as PDF kriegt, funkscheneert de Links avers nich mehr!

Plattdüütsch Kunst:

Harvstleven. Leed vun Addi Kahl (27.9.)

Notizen ut'n Hornung. Fotos un Verse vun Marlou Lessing (4.9.)

De Welt un Gott:

Dat kannst mi glöven: Bliev du sülms! Andacht vun Roswitha Osterbrink, mit Spraakopnahm (30.9.)

Choralöversetten: Sünn vun de Gerechtigkeit. Vun Marlou Lessing (30.9.)

Keen is de Boos tohuus? Vun Heinz Tiekötter (28.9.)

As Fru Priewitzer in den Dachsbuu fullen is. Vun Günter Weber (28.9.)

Choralöversetten: Herr, dien Woort... Vun Marlou Lessing (24.9.)

Dat kannst mi glöven: Hör up dei Stimme! Andacht vun Roswitha Osterbrink, mit Spraakopnahm (23.9.)

Dat kannst mi glöven: Glücksbringer in'n Olldag. Andacht vun Roswitha Osterbrink, mit Spraakopnahm (16.9.)

Dat kannst mi glöven: Steernstunden. Andacht vun Heinrich Siefer, mit Spraakopnahm (9.9.)

Dat kannst mi glöven: Maitied un Maiandachten. Andacht vun Heinrich Siefer, mit Spraakopnahm (2.9.)

Natuur un Wetenschap:

Dei Instrumente van dei Parker Solar-Sonde. Vun Ludgerd Lüske (21.9.)

Bottervageljohr 2018: Bottervigel vun'n Septembermaand: De Admiraal. Vun Thomas Seemann un Marlou Lessing (4.9.)

Dei Parker Solar-Sonde flügg nao dei Sünne. Vun Ludgerd Lüske (2.9.)

In't aktuelle Natuurnotizbook:

Kastangeltied! Vun Anke Nissen (30.9.)

Hexenpilze. Vun Anke Nissen (21.9.)

Eideraant! Vun Antje Heßler (16.9.)

De Goossager (Gänsesäger). Vun Antje Heßler (16.9.)

Sumpfschuumkruut. Vun Antje Heßler (8.9.)

Stumme Lent? Vun Marlou Lessing (7.9.)

"Goden Moorn!" seggt de Scheckenfalter. Vun Antje Heßler (2.9.)

Wat in de Welt vörgeiht:

Süükdrom is Gold weert. Vun Heinz Tiekötter (24.9.)

Swatt-Witt. Vun Wolfhard Sauerbrey (2.9.)

In Jutta Lammèrs Blog Oogenblick mol!:

Holland in Not? (7.9.)

Un 5 niege Indrääg in Marlous plattdüütsch Notizbook.

Platt to Hand:

Grog-Leed. Vun Henning Eggers (28.9.)

Niege Spraakopnahmen:

Bliev du sülms! Andacht vun Roswitha Osterbrink (30.9.)

Hör up dei Stimme! Andacht vun Roswitha Osterbrink (23.9.)

Glücksbringer in'n Olldag. Andacht vun Roswitha Osterbrink (16.9.)

Steernstunnen. Andacht vun Heinrich Siefer (9.9.)

Maitied un Maiandachten. Andacht vun Heinrich Siefer (2.9.)

Hartlich grööt

Marlou Lessing un dat lütte Plattpartu-Team